



Sesida dals

Communitgà ils

Protocol nr.

13 da schaner 2026

15 da schaner 2026

17/2026

Dumonda Oesch

concernent la finanziaziun restanta da las prestaziuns da Spitex
en il sector da la tgira da confamigliars

Resposta da la Regenza

Tar la dumonda 1: Per la finanziaziun restanta da prestaziuns da tgira (art. 7 da l'Ordinaziun davart las prestaziuns da l'assicuranza obligatorica per la tgira da malsauns [OPM; CS 832.112.31]) ha il chantun Grischun gì las suandantas expensas:

A servetschs cun ina incarica da prestaziun communal:

2020	18 organisaziuns	5 400 000 francs
2021	18 organisaziuns	5 800 000 francs
2022	18 organisaziuns	5 700 000 francs
2023	18 organisaziuns	7 000 000 francs
2024	18 organisaziuns	7 500 000 francs
2025	18 organisaziuns	5 900 000 francs (1.–3. quartal 2025)

Durant la perioda dal 2020 fin ils 30 da settember 2025 pia circa 37 300 000 francs.

A servetschs senza ina incarica da prestaziun communal:

2020	11 organisaziuns	265 000 francs
2021	14 organisaziuns	337 000 francs
2022	16 organisaziuns	430 000 francs
2023	17 organisaziuns	636 000 francs
2024	17 organisaziuns	795 000 francs
2025	20 organisaziuns	360 000 francs (1.–3. quartal 2025)

Durant la perioda dal 2020 fin ils 30 da settember 2025 pia circa 2 823 000 francs.

A tgirunzas e tgirunzs diplomads renconuschids:

2020	24 tgirunzas e tgirunzs diplomads	170 000 francs
2021	30 tgirunzas e tgirunzs diplomads	195 000 francs
2022	39 tgirunzas e tgirunzs diplomads	245 000 francs
2023	39 tgirunzas e tgirunzs diplomads	360 000 francs
2024	41 tgirunzas e tgirunzs diplomads	420 000 francs
2025	42 tgirunzas e tgirunzs diplomads	314 000 francs (1.–3. quartal 2025)

Durant la perioda dal 2020 fin il 3. quartal 2025 pia circa 1 704 000 francs.

Dal 2020 fin ils 30 da settember 2025 ha il chantun Grischun pajà tut en tut circa 41 827 000 francs als furniturs da prestaziuns per la finanziaziun restanta da prestaziuns da tgira.

Tar la dumonda 2: Actualmain han 13 organisaziuns da Spitex, ch'èn sa spezialisadas sin la tgira da confamigliars, ina permissiun da manaschi en il chantun Grischun. Nov da quellas quintan actualmain giu cun il chantun Grischun contribuziuns per la finanziaziun restanta da prestaziuns da tgira. Ad ellas èn vegnidas pajadas las suandantas contribuziuns per prestaziuns da tgira:

2020	2 organisaziuns	4 500 francs
2021	3 organisaziuns	24 000 francs
2022	4 organisaziuns	71 000 francs
2023	4 organisaziuns	91 500 francs
2024	6 organisaziuns	125 000 francs
2025	9 organisaziuns	360 000 francs (1.–3. quartal 2025)

Expensas totalas dal 2020 fin il 3. quartal 2025 ad organisaziuns ch'engaschan personas che tgiran lur confamigliars: 676 000 francs. La cumpart importa pia circa 1,6 %.

Tar la dumonda 3: Ils servetschs da la tgira ed assistenza a chasa (Spitex) dovran ina permissiun e ston perquai inoltrar ina dumonda respectiva a l'Uffizi da sanadad. Las organisaziuns da Spitex che han gia survegnì ina permissiun per manar in servetsch da la tgira ed assistenza a chasa en in auter chantun, pon sa referir a l'access liber al martgà sin basa da la legislaziun davart il martgà intern. Uschia obtegnan ellas ina permissiun da manaschi en ina procedura pli simpla. En in dialog transparent cun las petentas ed ils petents sa procura l'Uffizi da sanadad mintgamai tut las infurmaziuns e tut ils documents che vegnan pretendids per conceder ina permissiun da manaschi en il chantun Grischun, pia er infurmaziuns e documents che pertutgan la tgira da confamigliars. Ils concepts da gestiun, da tgira e d'assistenza mussan las prestaziuns purschidas. Sco ulteriura funtauna d'infurmaziun tira l'Uffizi da sanadad plinavant a niz las paginas d'internet da las organisaziuns petentas.

Tar la dumonda 4: Gea, igl è pussaivel d'introducir in'ulteriura categoria da prestaziun per prestaziuns OPMc senza pauschalas da viadi. Questa pussaivladad vegn gia sclerida.



En num da la Regenza

Il president:

Martin Bühler

Il chancelier:

Daniel Spadin